


畿輔通志 二十三

陽明大庫圖書
七 錦
共 二 冊
學書院圖書館

近藤
5-36
キ2





畿輔通志卷之第二十三

勲節名臣下

近衛本

史鑑

李琦

李慶

蔣廷瓚

劉英

邱鵬

王驥

王翺

耿九疇

賈銓

張哲

馬昂

李敦

宋明

吳祥

馬謹

崔恭

孟鑑

王僅

白圭

李賓

畿輔通志卷之第二十三 勲節目錄一



莫高哭
读书中文网发行
<http://bbs.rbook.net>

董方

岳正

張春

張鵬

程信

王銳

張斌

芮釗

王復

李俊

李琚

李衍

耿裕

侯瓚

金純

王越

賈俊

龔遂榮

李東陽

于大節

郭璽

王崇之

董俊

鄭已

王濬

段正

馬中錫

弋瑄

田景賢

才寬

王濟

張舉

馬子聰

燕忠

傅珪

丁鳳

鄭宗仁

邊憲

孫博

胡瓚

張檉

邢昭

梁材

李緯

孫修

馮時雍

李玘

王縉

王宸

韓澄

馮顯

孫緒

宋璉

徐璉

張璿

張欽

黃鍾

劉濟

朱裳

南壽

劉濂 趙廷瑞 袁宗儒

翟鵬 史道 楊秦

陳儒 岳倫 王祚

石永 王本固 趙孔昭

賈衡 毛鵬 王好問

梁夢龍 張學顏 周京

李齊芳 申佐 張國彥

王時舉 石星 張鎬

戴才 鄭洛 楊行中

陳堯 史褒善 劉效祖

王儀 王遴 王命

福時 賈待問 田樂

苗淳然 姜璧 朱正色

傅好禮 李化龍 牛惟炳

趙南星 黃吉士 王世揚

陳登雲 鹿久徵 張主敬

崔景榮 馮有經 馬經綸

馮盛明 王經邦 王永光

梁應澤 米萬鍾 田一井

李若珪 劉遵憲 魏純粹

孫承宗 成基命 王家楨

鹿善繼 李國楷 范景文

丁乾學 劉道亨 張棟

郭增光 侯拱辰 張鵬翀

路振飛 余繼登 傅永淳

陳居恭 吳孟明 袁葵

國朝

劉廷諫 袁懋功 劉捷

勲節名臣

明

史鑑 成安人洪武初以人才入太學晝夜讀書

臣食朝延廩祿自當恪恭職業昔聖如大禹猶惜寸陰臣何敢虛曠以負作養上嘉其言論丰采遂擢都御史時有宦寺謀干朝政者鑑上疏願鑒前史以防異日弄權之患上善其言時用汰太繁疏言新國用輕典期以寬大御上下嘉納之

李琦 元氏人洪武初以明經行修授監察御史

往琦以書喻順逆禍福安南感悟遂歸侵地還拜禮部侍郎後占城與安南交惡復命往喻兩國遂和好歷官都御史掌院事卒於官子祭葵

李慶 順義縣人洪武時由國子生署都察院右僉都御史累官兵部尚書兼太子少保安

遠侯柳升征交趾慶泰督軍事至交趾卒慶剛
直敢為不畏強禦遇事有未便侃侃爭論當時
嚴憚之

蔣廷瓚

滑縣人少有學術識治體洪武中以才行
薦永樂中任貴州左布政使掘地得石匣
藏古劍一口瓚佩之所至長鳴每出則指示立
斷外無敢侮自是遠人歸化疆宇底寧功成召
還以劍獻于上歷
官工部侍郎卒

劉英

寶坻人洪武中仕為山西繁峙知縣廉能
守法深得民心後秩滿縣人詣闕乞留詔
復任仍命吏部書其
政績超羣曉示天下

邱鵬

唐縣人洪武時進士擢御史忠鯁清廉知
無不言言無不當後得罪籍其家止木匙
二張木筋五雙皆鄉物也上嘉
其清復官廣東廉憲祀鄉賢

王驥

字尚德東鹿人永樂丙戌進士授兵科給
事中奉命鎮山西奏蠲徐溝鹽課二十萬

就擢按察司副使洪熙元年召入尹順天宣德
二年陞行在兵部右侍郎屯兵真定又留守南
京九載晉兵部尚書正統二年阿台朶兒只伯
犯甘涼命驥整飭邊務至則先斬退縮將安敬
有功還上親慰勞之十月西彝復犯甘肅驥再
往大戰梧桐林獲全勝捷至命以尚書兼大理
寺卿支兩俸凱旋賜資甚渥正統六年命督定
西伯蔣貴軍征雲南麓川賊思任發因風縱火
焚賊敗大破之獻捷召還又振旅時以便互平
洞蠻常郎羅于維摩土官沈政于富州將至京
上遣官迎勞于臨清既入寵賚有加封靖遠伯
居無何聞道渠思任發匿緬甸上曰不免勞卿
再一行驥至金齒遣人諭降土酋放革等二十
餘寨散賊黨羽即遣千戶田貴往緬甸促送思
任發至軍前緬人有異謀驥都舟師破于金沙
江捷聞召班師尋命巡視三邊還優加賞勞久
之思任發等復據孟養寨為逆仍命驥總督軍
事率都督宮聚等往討大破于鬼哭山思任發
等死南徽以寧景泰元年加平南將軍就近平
苗賊事竣乞還命總督機務鎮守南都景泰三

年解機務居金陵次年乞歸仍留都邸奉朝請
 天順元年憲宗復辟驥入賀命為兵部尚書視
 事兩月乞骸骨歸驥前後出師萬餘里勞勩十
 年以文官而賜爵券始終承恩寵終明之世惟
 驥與王文成兩人爾

王

翱

字九臯鹽山人永樂乙未進士改庶吉士
 甲辰授大理寺左寺正宣德丙午楊士奇

薦為山東道御史剛果孤介風采凜然陞都察
 院右僉都御史正統己未四川松藩賊為亂命
 將往征翱監其軍威聲大振賊率所部來降壬
 戌遼東邊務弗緝朝廷深以為憂特勅翱以提
 督軍務往許便宜行事翱至前屯總兵以下庭
 謁翱詰所以失機之由命左右悉曳出斬之再
 三哀請得免于是三軍股慄莫敢不用命癸亥
 九載秩滿陞左副都御史景泰三年勅取回京
 管都察院事時廣東西不靖復簡命總督兩廣
 軍務翱威望素重蠻部聞翱至各去逆効順事
 平回京遷吏部尚書英宗復辟有欲陷翱于罪
 者賴上素知其賢得無事事英宗寵眷日隆凡

用人行政必令翱與馬昂知而後行
 後以疾篤乞骸卒贈大保謚文肅

耿九疇

東鹿人明初父綱為盧氏教諭遂家焉登
 永樂中進士宣德初授禮科給事中正統

元年大臣言兩淮鹽法久敝必得慎重名行者
 往理之授九疇為鹽運司同知革敝與利公私
 稱便條奏均搭派節樣鹽二事著為令亾何丁
 內艱商民詣闕乞留者三千人奪情陞運使廉
 儉嚴正門絕私謁楊士奇過淮上僅割一鷄為
 饌士奇重之時軒輓為浙江廉使剛介有聲而
 九疇與齊名嘗坐水傍有童子曰此水雖清不
 及使君一半判官薛華牒送鹽商于戶部重列
 給鈔姓名部糾劾之命法司逮治勅主事陳汝
 言往究其事汝言奏九疇等受賄冒支下法司
 問罪既察誣得釋時鹽運同知葉思銘者與九
 疇同心守法不畏強禦至是並逮上既察釋九
 疇楊士奇亦力薦之遂留為刑部右侍郎而思
 銘亦復官九疇餞而拊之曰無因蹶而隳思銘
 竟為良吏九疇在刑部屢出疑獄左侍郎郎
 號精法律謂不及也尋獨領部事景泰即

州饑旱流民渡淮者衆彼此不相安命九疇巡
視安置九疇爲聯婚姻教樹畜與土著相輯睦
者七萬戶境內晏如復命兼理兩淮鹽法奏罷
歲漕江南羨米易鹽以發正課公私稱便尋命
巡撫揚廬淮安滁和諸府州審錄大辟多所原
宥代還命鎮守陝西威望益著邊將請添兵臨
洮諸衛下九疇議九疇言邊城士卒不少倘將
帥善馭之一可當百不然徒冗食耳增兵何益
竟如其議初邊民春夏出就田作秋冬輒徙入
疇言設將所以禦寇衛民也今民皆避寇失業
將安用彼將哉凡將不能衛民者當重罪之轉
右副都御史仍鎮其地守臣逮耀州民三百餘
謬謂倡妖悉坐死九疇日狂民妄言實非反也
悉減論天順初總憲缺人石亨曹吉祥有所薦
上不可舉九疇以問李賢賢曰陛下得之矣遂
驛召至京特陞右都御史賜見便殿嘉獎甚至
蒞任未幾遂欲與諸御史謀劾石亨事洩被訐
下獄及廷辯自引出爲江西右布政使尋陞四
川左布政使明年召還之拜禮部尚書旣而憐
其衰老移南刑部居一年病卒上嗟嘆良久曰

可惜此老朕優之干南而
遽亡耶予祭英謚清惠

賈

銓

字秀納邯鄲人永樂時進士擢刑科給事
中蜚聲諫垣當道者嫉之出知大理府恩
威兼著會征麓川銓料理軍需用師數年事集
而民不擾靖遠伯王驥薦于朝累遷雲南布政
使久任成功後陞都察院左副都御史巡撫山
東河南剔歷中外勲業日偉召掌院事以疾卒

遣官諭祭
謚恭靖

張

哲

蠡縣人永樂中進士任大理寺評事有曾
氏婦寡私與人通忌其子誣以不孝繫獄
哲疑之屬獄卒出他囚尸誑婦曰汝子死矣令
人伺之見婦與一人相喜笑卽捕訊之得其情
子以釋時大旱是日雨咸以爲洗冤兩陞江西
按察司僉事適巨寇葉宗流等竊發山東勅哲
督軍平之獻捷賜金帶陞巡撫雲南僉都御史未幾卒

馬

昂

字景高滄州人永樂時舉人入國子監宣
德時授鴻臚寺序班正統時用廷臣薦陞

監察御史特陞刑部右侍郎未幾改右副都御史叅贊甘肅軍務時都督王喜玩寇失機昂至効之官軍畏服先是赤斤蒙古罕東等衛番族恣肆鈔掠至強劫貢物昂受命討之擒其偽祁王鎖南奔械送京師自是番人不敢近邊已已邊人寇甘州昂令人清野堅壁簡精銳選騎射躬擐甲胄出屯山隘敵聞遁去景泰初引疾致仕兩廣蠻寇擾攘起昂總督兩廣軍務昂剿其為暴害者生擒偽將軍周鐵盛盤等獻俘陞左都御史天順時以人言再致仕及入見復留命巡察邊境比還陞兵部尚書陝西邊警甚急命昂為總督刻日出師是夕曹欽反昂討之欽伏誅進太子少保仍掌兵事自是寵待特厚賞賚歲無虛月凡進退廷臣上必咨焉憲宗嗣位信任益篤調戶部尚書尋奉勅點驗軍士乃分精銳為十二營以脩調用又籍軍師之賢否而黜陟之卒年七十以災異引退

李敦 涿州人永樂中為戶部主事歷江西四川叅議累遷四川布政使在官廉敏勤好扶

善威惠並行性剛直人有犯法繩之不少貸人稱為鐵面李正統中召為吏部左侍郎以疾卒

宋明 字惟遠濟縣人初授戶部主事督臨清倉儲監儲中官某恣橫明裁以法宿弊頓革

中官濫乞庄田於保定容城諸縣上命明往按之抗疏以聞事卒不行陞兩浙轉運使杜絕私

謁僚友有暮夜餽金者正色斥之浙人呼為鐵宋官至叅政

吳祥 蠡縣人永樂中知嵩縣為政寬和逋民自歸者二百餘戶縣有猛虎劫賊之害祥禱

神祈逐未幾虎遂獲賊黨潰散邑以靖秩滿去吏民請闕奏留許之在任三十二年卒于官

馬謹 新樂人宣德丁未進士拜貴州道監察御史巡按浙江克振風裁貪猾屏迹時大學

士楊士奇輔政不輕許可人知謹廉介贈之詩曰直道而行馬御史水霜節操鐵心肝一庭竹色門如洗坐對清風到歲寒正統壬戌吏部缺驗封司郎中尚書郭璫推授之謹不阿勢要用

後浦人勿志下 卷之三十三 勲節名臣 五

人悉遵常格尋陞湖廣右布政使司時所屬多
淹獄久弗決御史聞寬以謹精於法律奏同審
錄辯活者二千餘人已已苗賊生亂廷推同御
史侯爵往總軍事督糧餉衆議分兵勦殺謹曰
苗之叛逆實有司橫歛所至盡殺之傷國家好
生之德盍先傳檄申諭有能降者安輯之如負
固弗服分兵討之未晚也衆皆稱善及諭之來
降者數千人悉布郡縣給賑各得其所督兵四
出所至皆平先後奪回被擄婦女俱安輯完聚
論功轉左布政使陞都察院左副都御史巡撫
河南奏覈所屬官吏務愜
公論以老乞致仕許之

崔

恭

秀廣宗縣人字克讓通易書禮三經九歲舉
邊儲薦知萊州府威惠大行百姓歌曰古之楊
今之崔蓋伯起故萊刺史云陞湖廣右布政使
息叛苗安流民擅相殺者尋轉左江西陞右副
都御史巡撫南畿所興革皆經久便民拔幽洗
冤濬儀真瓜州諸漕河轉吏部左侍郎晉尚書
置勸懲簿籍人材賢否而黜陟之一時品裁清

允以毋憂歸服除召補南吏部奉勅叅贊守
機務別壺肅屬遠近凜然已屢疏乞歸璽書褒
嘉士紳榮之歸惟屏居手一編自怡再踰年卒
其夕有大星殞居第前計開贈太子少保謚莊
敏諭祭營奠恭天性坦夷才識並茂遇事剛敏
能斷尤獎善嫉惡汲引後進以故歸然負朝野
之望者且二十年始
終完名爲世所多

孟

鑑

博野人宣德時進士給事吏垣持節冊代
冠黃肖養作亂攻沒州縣進圍廣州甚急朝廷
出師命鑑叅總戎務鑑行距城百里左右請勁
兵爲衛不聽以五騎從之時廣城閉已兩月薪
穀騰貴人心洶洶下令開門聽出入賊詭乞降
鑑測其詐嚴備以待賊果圍城出精銳擊賊擒
黃肖養獻馘餘黨悉平景泰時召還措置山西
邊儲總理湖廣軍餉所至有功謝政年
餘起拜南京工部左侍郎抵任數月卒

王

僅

安肅人宣德中舉人分教潞城陞咸陽知
縣興學勸農鋤強植善丁外艱歸民不忍

去請于朝特旨奪情起復尋以秩滿新尹來代
民復請于朝特旨加六品秩仍留之後二載陞
延安知府九載秩滿軍民請留晉三品秩陞河
南右布政使忽疾不起士夫軍民如喪考妣繪
像祀之

白

圭

南宮人正統壬戌進士除監察御史持憲
恒存大體陞陝西副使民有掠官糧為食
者有司置之法圭惻然日民飢至此不幸也若
拘於法死者衆矣乃杖而釋之景泰初陞浙江
左布政使天順改元苗賊據險兵不能攻乃設法
都御史巡撫湖貴時賊據險兵不能攻乃設法
多為疑兵分道進襲賊不能支遁去擒其渠首
斬之嘗有勅督造戰艦甚急衆議欲賦材於民
圭曰不可請於楚藩抽分木克用民德之荆襄
流賊嘯聚推劉千斤為主署偽總兵等號圭奉
勅督軍務由南漳入遇賊誘之臨城擊破之賊
退入巢穴山險復雨乃命裨將率卒千餘由間
道出賊後焚其營自以軍臨賊顧其營火遂
亂生擒劉千斤等獻俘京師以功進太子少保

李

賓

字廷用順義縣人正統乙丑進士授浙江
道御史歷陞右副都御史提督永平山海
諸軍時邊境無事賓請散兵歸農屯科以興英
廟復辟召為大理卿因刑獄嚴刻奏請寬平疏
中列古失刑數事直言不諱朝論避之辛巳秋
曹欽謀不執賓率家人挺身擊之撲滅長安門
火英宗嘉獎歷陞南京兵部尚書奏發倉廩賑
貸饑民復令有司設常平倉平江洋鹽賊總理
南樞數年乞歸不允進太子少保
丁酉乞休卒贈太子太保諡襄敏

董

方

字仲矩鄆縣人正統乙丑進士授大理寺
評事未幾以都憲蕭惟禎薦陞左寺正法
律精明濟以仁恕以故滯獄沉寃多所伸辯時
東阿縣民蔣傑與盜偕行捕者誤執傑訥不能
辯以考掠誣服方察其寃訊無左驗得釋神策
衛軍詐稱錦衣旗校奉旨謂事誑取人財事覺
有司以詐傳詔旨論死方謂冒名誑財耳傳旨
無實跡得減論金吾衛卒領運內局銅板中道

兼兵部尚書後卒於
官贈少傅諡恭敏

竊尺許邏者得之有司以盜內府物律斬方以
 物既領出非潛入內府盜者宜以監臨自盜論
 遂減從徒景泰乙亥屢災異朝廷以濫刑為憂
 乃簡廷臣往讞直省獄方得山西時太原民自
 政與邑人王選構怨殺之投尸於河事覺政誣
 選妻與已通同謀殺既成獄方疑婦結禱三十
 年生子女十餘安得有此乃盡拘鄉鄰質之且
 反覆覈驗始得其情政遂服選妻得免天順丁
 丑陞本寺右丞時石亨用事熏灼中外或謂若
 一往見亨薦揚可立待方抑之曰士貴氣節屈
 千金軀忍恥以要權貴吾弗為未幾出其門者
 果皆敗聞者服之庚辰曹欽謀逆舉兵焚闕方
 急趣軍士救護賊平遷本寺右少卿成化乙酉
 遷刑部右侍郎九載遷都察院右都御史甲午
 上以大同重鎮巡撫宜得人會推方往許節制
 諸軍事至則飭官吏謹備禦嚴操練清屯種籌
 畧多方上卒用命以刑部尚書召還建言邊務
 十五條上嘉納之丁酉乞致仕陞辭賜寶鑑酒
 饌進階資政大夫成化十九
 年卒贈太子少保諡襄敏

岳

正

字季方鄒縣人正統戊辰賜進士及第授
 翰林編修嘗夜草請復恭讓后位號疏兄

端曰奈何貽老母憂裂之乃止景泰時歷官修
 撰吏部王翺薦之召見文華殿上極為獎許欲
 大用之石亨張輓視之不見文華殿上召賜賚旬無
 虛日欽天監湯序言奸臣未盡致天象變異上
 問正正曰序術疎淺言不足信若遽宜露則人
 人自危事遂寢時石亨與太監曹吉祥擅權有
 投匿名書指斥時政者亨欲上出榜懸賞格募
 捕令撰榜格正見上曰為政有體無天子出榜
 募購罪人之理事又寢亨從子石彪鎮大同遣
 使獻捷盛稱斬首無算皆梟於林木正取地圖
 駁之曰某地四面沙漠從何得林而梟之耶其
 人驚伏正問為上言曹石勢盛慮有變宜早為
 節制上命正諭之以意正徑造亨諷令自戢二
 人怨之益深會承天門災正草責躬詔語多切
 實或有指為謗訕者降欽州同知尚書陳汝言
 素憾正喉選者以私事中之逮繫詔獄謫戍肅
 州所居宅第為幸臣季鐸所奪僅以一身出京
 至涿州苦手楛急幾危賴涿人楊四用計緩之

得達戍所上嘗憶及謂正大膽及曹石敗得放
 歸為民憲宗嗣位起為經筵講官有隙者譖之
 於李賢賢信之外補興化府知府在興化殫力
 興華多所建築郡紳不利誹謗橫出叅政陳蕙
 廉無實狀乃止正以入覲引疾致仕時季鐸已
 敗朝廷命還其故第及所有鐸亦僅以身出所
 遺百倍於正之遺未幾以勵子成疾卒正博
 學能書兼精繪鏘所著有類博稿深衣纂疏
 張春 真定人正統時進士授南京廣東道監察
 御史進士釋褐為御史自春始時中官王
 振用事齊韶附之為南京刑部尚書縱恣無狀
 有指揮某者與徽商友善指揮富而無子有三
 女指揮卒商謀襲其官婿指揮妻為之嗣既嗣
 得官沉母於江女訟之齊韶受賂不為理商殺
 之沉於井七年無敢問者春初至官指揮次女
 泣而呼冤都御史若不聞春心疑之詢於同官
 皆搖手曰此非君所當問也春奮然曰朝廷設
 耳目之官何事不可問有春事不問號稱御史不
 亦辱乎同官掩口笑之春以白中丞中丞曰汝
 書生不識時務蒞官曾幾何時遽欲預事乎韶

聞之大怒曰何物張春遠欲翻吾獄殆病狂乞
 死者也春窮按不已事大暴著井中血衣尚在
 韶始懼屬都御史阻之都御史以前會面叱春
 不敢直致乃託同官與言春具列諸勸阻者連
 獄詞呈都御史乞印上聞都御史固不肯月餘
 始得上而齊韶之疏先上矣北都御史寇深曰
 既云南臺有奏韶奏不得先宜待之後三日奏
 疏至下錦衣衛提問韶與春並逮至京錦衣衛
 指揮金某亦無子聞而悽然泣下故齊韶無能
 為春劾韶放縱數事其一乃納英宗遣還選中
 民女史氏為妾王振讀至此驚曰他事尚可為
 此吾豈能左右乎由是商始伏辜韶戊邊詔復
 春官餘為民韶怨王振不右已上疏許振罪上
 怒竟論棄市由是春直聲動天下歷山西僉事
 轉應天府
 治中致仕

張

張鵬 涑水人正統中授山西道御史立朝審諤
 持大體振風裁賢聲茂著天顧丁丑石亨

恃寵作威福人莫敢犯鵬忤之竟被誣搆謫戍
 遼東鐵嶺衛尋改廣西山丹衛後享敗憲宗宥

後補人勿忘下
 卷之二
 三
 勲節名臣
 九

還擢按察使歷陞巡撫廣西邊境用寧巡視鳳
淮揚廬及徐和滁州緝補有方踰年盜息歷拜
尚書進階資政大夫
後致仕賜鈔二千緡

程

信

字彥實其先徽州人後隸籍河間衛正統
時授吏科給事中英宗北征偕廷臣上疏

諫止不報已而師潰土木敵南侵進薄都城都
督孫鏜禦之失利欲入城信堅不可躬督軍以
火鎗礮石鼓噪為鏜聲援敵乃引去英廟還居
南內復上中興固本十策語剴直聞者壯之陞
叅政總理遼餉時巡撫都御史奏定吏卒盜糧
石以上者論死改新斛加二寸付信信立碎之
日使彼真盜死不足惜故置死地豈情也哉後
轉四川分巡道平松藩之亂英宗復辟奉表入
賀時方錄景泰間上言者因畱為太僕卿陞巡
撫遼東僉都御史聞敵將董山潛與朝鮮結連
信授計上官佟成往廉之得其通董山書請急
遣使往問以伐其謀朝廷從之譯者往建州敵
不肯承出書以示敵為愕然貢馬謝罪都指揮
夏霖素不法僉事胡鼎按其罪信具以狀聞詔

遣中官逮霖鞠之使者受賂不以實按信坐

調南京太僕寺少卿憲宗即位起復兵部侍郎

貴州蠻酋都掌反命信提督軍務討之信入金

鷲分兵會於大壩用神銃勁弩攻之破二十餘

寨賊遁入深洞信令圍塞洞門月餘賊死洞中

賊悉平還進兼大理卿賞資甚渥以染瘴癘上

疏請老不允應城伯孫繼先軍府肅然河套歲

信盡發其貪尅事繼先坐免軍府肅然河套歲

多警輔臣請興師十萬搜剿之信以為師眾地

遙不可副將楊信請以三萬人往信曰此舉關

係國勢若三萬人戰則少守則多眾服其言卒

與二萬人巡邊未幾承命叅贊南京機務因星

變陳言多見施行四載復上書乞休明年

還休寧越四年卒贈太子少保謚襄毅

王

銳

遷安人正統時進士由知縣歷官都御史

構亂銳率眾討平之敘功

張

斌

永平人正統時進士任戶部主事忤權闖

廢于世襲錦衣衛百戶

後補人物志下 卷之三十三 勲節名臣

積多惟斌可以釐正舉以前職往清理之斌持法剛正不通賄賂復為權幸所忌而牟利者且不便斌有微疾宵小通謀駕言中風以艾炙之雜以毒遂被害

芮 釗 字宗遠寶坻人正統時進士歷右副都御

守三年邊境寂然卒於官

王 復 字初陽固安人正統時進士授刑部給事

迎駕復充禮部右侍郎以行至德勝門外仰瞻御容頓首拜泣瓦刺也先怒持刃迫脅仍以數

事詰責復反覆辯論不屈歸陞右

李 俊 字文英定興人有異質六歲能文弱冠以

董浙江銀冶會處州賊齊焯陳鑑湖陶得三起

勅俊勦捕俊率勇敢敗之街亭橋越三日賊首

黑面大王來劫鎮守太監李德懽欲走俊賊首

之賊遁去仍以問復勅俊嚴捕明年賊圍處州

城空無備俊募敢死士八百人為守俊固善射

臨城殪衣紅者一人出城奮擊大破之賊劔氣

縮因議招撫賊果降巡撫張楷總兵徐恭等議

不受降失信邀功賊因驚變俊劾之俊灑誓衆

日吾世受國恩必以死報衆感奮出死力大破

之俊擐甲胄十有二日事解脫胄髮髡李德懽

俊以賊反間文書誣奏俊疏辨勅勘得雪俊還

處人德之朔靴亭樹碑寄思景泰改元侍經筵

李 瑄 字宗璧鹽山人天性孝友貢入太學期年

稱神明成化初以忤執政致仕後八年卒

奉議大夫國用羸縮邊儲豐耗與夫兵民轉輸

議畫允當有裨國計時河間民有部運租稅者

以自金若干遺家僮而道其姓名竟趨去瑄走

李 衍 字文盛隆慶人景泰壬申登進士第授兵

課民種桑棗戶若干株因以考長吏勤惰且令

月條上其他政善則溫言慰之不善則訶譴不

少貸由是州縣之吏罔不勸懲後改四川提督
 松藩等處糧儲見彭索河荒田彌望乃召其土
 人問之知畏蠻擾故棄之衍相視要害設橋梁
 墩堡塹柵為防民乃得耕蠻攻松藩張臘堡茂
 州松溪堡行擒殺數百人蠻乃遁灌縣都江堰
 壞歲修役夫四萬人衍十九不逾歲而成陞河
 南右叅政歷陞都察院右副都御史巡撫河南
 時黃河水溢城不浸者三板衍行視地形日夜
 疎濬河不為害陞戶部侍郎巡視山海邊關置
 牀子弩一萬五千張設飛石飛木數十萬削山
 成險東西數百里歸以圖進命權尚書事時河
 北諸郡縣旱州縣當輸邊者類橐銀就邊糶米
 踊貴數倍且武吏催督勢甚張皇衍請出太倉
 餉邊以銀輸太倉庫米價遂平尋總督三邊軍
 儲兼賑濟饑民時關陝旱久衍引渭水為渠以
 利居民是歲大稔還朝復具圖以進陞本部尚
 書總督京通兩倉內外僚吏素熟其名皆慄慄
 奉職不大聲色事無不理上疏乞歸卒年七十
 有四子祭葬

耿

裕

東鹿人九疇子景泰甲戌榜進士改庶吉
 士授戶科給事中天順丁酉九疇居總憲

以例改翰林院簡討九疇因建言斥裕亦出判
 泗州人皆扼掌裕至州孜孜訪求民瘼惠政甚
 多成化乙酉朝廷知裕無罪召還復簡討仍克
 經筵講官歷陞國子監祭酒裕在太學條教嚴
 明恩威並濟勲戚子弟入國學裕患其難教取
 所當習讀者輯成一書授之他日中使持至御
 前上嘉歎之尋擢吏部右侍郎明年進吏部尚
 書忤首相萬安改南京禮部尚書孝宗即位轉
 南京兵部尚書乞赴闕朝賀勅諸臣議裕言王雖
 部尚書崇王乞赴闕朝賀勅諸臣議裕言王雖
 至親于制不宜入朝况歲饑所過煩供億民何
 以堪上從之西域貢獅子裕言遠人嗜利受之
 無益且泛海而來非由貢道宜卻之掌銓曹凡
 所舉薦皆當其才凡會議必持正不徇退居獨
 處無敢以私餽者至老不營產業不治居第
 加太子太保而卒年六十七贈太保益文恪
 侯 瓚 視湖廣機奏免稅糧八十萬石出守鳳翔

下車賑濟流移全活者衆歷陞右僉都御史巡撫甘肅時有哈密之變贊召赤斤蒙古二衛授以方畧克復八城俘馘千五百餘不自居功兵部奏聞璽書嘉諭歷陞南京工部尚書轉兵部叅贊機務致仕進階榮祿大夫

金

純 平谷人景泰甲戌進士任刑部郎能勘冤獄陞桂林知府時猺賊爲亂官軍會勦未平巡按王浩遣純撫之純至賊壘諭之曰太守親來撫爾以蘇衆命猺皆痛哭引領聽招事平巡按欲奏其功純力辭尋進階中憲大夫守廣信會永豐銀坑賊起純命鄉兵及大姓有力者捕散之陞山西叅政遇旱邊儲告乏設法轉運足備軍用陞右布政使以疾致仕

王

越 濬縣人景泰時進士歷官太子太保兵部尚書兼左都御史以功封威寧伯後加太子太傅召掌前軍都督府提督團營再敘子錦衣千戶成化十七年以汪直事被劾奪爵弘治元年復職十年起左都御史有功加太子太傅卒于軍謚襄敏越姿表奇邁慷慨自許議論英

發見事風生外膺師寄身經十餘戰出奇取捷慮成發中顛倒才智柔馴辨強皆樂爲之用效之者皆自以爲不及不愧古之名將也

賈

俊 字廷傑東鹿人景泰間舉人天順己卯從國學特簡爲御史凡五代巡撫寧夏持憲貪鋤梗植弱累陞左僉都御史巡撫寧夏持憲度嚴軍法數年邊無警成化癸卯入爲工部右侍郎河南饑勅俊往視悉力賑貸多所全活拜尚書弘治辛亥勅修太廟夾室成加太子少保以足疾乞休歸三年卒俊歷事三朝巡撫六載宦不携家衣恒澣敝中官汪直權傾中外六卿下拜俊獨抗禮直外雖改容中實憾恚百計傾之竟莫能中孝宗欲建水亭俊謂財用匱乏不宜興不急土木疏三上事雖寢而中不擇太監李廣爲上理髮前跪曰罷此老可也上怒曰賈俊爲朕省費渠安敢出此言靴踢落一齒俊聞之累乞休上温旨慰留者再直節勁氣受知孝宗有如此